



Pensyarah UPM maut

MUAR: Biarpun hajatnya menyertai konvoi motosikal berkuasa tinggi tercapai, seorang pensyarah kejuruteraan proses dan makanan Universiti Putra Malaysia (UPM) bernasib malang apabila maut dalam kemalangan di Kilometer 141.9 Lebuhraya Utara-Selatan di sini, petang kelmarin.

Dalam kejadian jam 2.20 petang itu, mangsa Mohamed Firwance Basri, 29 (*gambar*), dipercayai terbabas sebelum melanggar pembahagi jalan.

Kemalangan ngeri itu menyebabkan badan mangsa terputus dua.

Sebelum itu, motosikal Kawasaki 750cc ditunggang mangsa gagal dikawal sebelum terbabas melanggar pembahagi jalan sehingga mangsa tercampak kira-kira 20 meter, manakala motosikalnya tersadai di tepi pembahagi jalan kira-kira 100 meter dari tempat kejadian.